

*Sem
povratnog*

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINACIJA
FEDERALNO MINISTARSTVO FINANSIJA
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE
SARAJEVO

Broj: 05-14-2-1540/16-2
Sarajevo, 15.04.2016.godine

Bosna i Hercegovina-FEDERACIJA BOSNE I HERCEGOVINE
FEDERALNO MINISTARSTVO FINACIJA-FINANSIJA
POREZNA UPRAVA FEDERACIJE BIH
SREDIŠNJI URED
SARAJEVO

**POREZNA UPRAVA FEDERACIJE BIH
SREDIŠNJI URED**

PRIMIJENO:	25-04-2016	Broj priloga
Organizacioni jedinic	Klasifikaciona oznaka	Redni broj
13/08-02	3-731-3	16

PREDMET: Primjena člana 3. stav (1) tačka, člana 5. stav (2) i člana 7. stav (1) tačke 15. i 22. Zakona o Poreznoj upravi FBIH, dostavlja se

VEZA: Vaš akt br 13/08-02-3-731-3/16 od 08.04.2016.godine

Poštovani,

Shodno Vašem aktu iz veze, a kojim se traži dopuna akta br: 05-14-02-1540/16_1 od 17.03.2016.godine od strane ovog ministarstva, u cilju pravilne primjene člana 3. stav (1) tačka 4. Zakona o Poreznoj upravi Federacije BiH („Službene novine Federacije BiH“ br: 33/02, 28/04, 57/09, 40/10, 27/12, 7/13, 71/14 i 91/15) a u vezi sa Zakonom o zaštiti ličnih podataka („Službene novine BiH“ br: 49/06, 76/11 i 89/11) i Zakonom o slobodi pristupa informacija u FBIH („Službene novine FBIH“ br 32/01 i 48/11), dostavljamo sledeći odgovor.

Pojam porezne tajne jasno je definisan u članu 3. stav (1) tačka 4. Zakona o Poreznoj upravi FBIH te su navedene i informacije i podaci koji se ne smatraju poreznom tajnom.

Zatim, u članu 5. stav (2) Zakona o Poreznoj upravi FBIH, navedeno je da su porezni organi i druge vladine institucije i organi u Federaciji dužni razmjenjivati informacije, te se nigdje u stavu ovog člana ne spominju podaci i informacije koji se smatraju poreznom tajnom, kao predmetom razmjene, već se odnosi na sve informacije. Stoga, porezni organ odnosno Porezna uprava Federacije je dužna razmjenjivati informacije, koje se ne smatraju poreznom tajnom, sa drugim vladinim institucijama i organima u Federaciji, kao i drugim poreznim organima (Uprava za indirektno oporezivanje BiH, porezne uprave Republike Srpske i Brčko Distrikta).

Dalje u Zakonu o Poreznoj upravi FBIH se naglašava da ukoliko se vrši razmjena podataka i informacija koji se smatraju poreznom tajnom, sa gore navedenim licima, onda se isključivo odnosi na lica iz člana 3. stav (1) tačka 4. Zakona o Poreznoj upravi FBIH, gdje je eksplicitno navedeno kome su mogu dostaviti takve informacije.

Sarajevo, Ulica Mehmeda Spahe br. 5
Telefon +387 33 253 400 Fax: +387 663 314
e-mail : info@fmf.gov.ba
www.fmf.gov.ba



H000064346

U našem aktu br: 05-14-02-1540/16_1 od 17.03.2016.godine na pitanje: *Da li podatak o radno-pravnom statusu fizičkih lica iz Jedininstvenog sistema registracije, kontrole i naplate doprinosa, predstavlja poreznu tajnu*, dat je odgovor da podatak o radno-pravnom statusu fizičkih lica iz Jedininstvenog sistema registracije, kontrole i naplate doprinosa kao takav predstavlja informaciju sa kojom raspolaže Porezna uprava u svojim evidencijama **i predstavlja poreznu tajnu, osim u slučaju da Porezna uprava ne posjeduje pisanu izjavu poreznog obveznika da se ti podaci ne smatraju poreznom tajnom**, a u vezi sa članom 3. stav (4) alineja 1. Zakona.

Stoga, shodno Vašem upitu u kojem navodite da Porezna uprava svakodnevno zaprima veliki broj upita od banaka, mikrokreditnih organizacija, advokata, privrednih društava i fizičkih lica, a u vezi sa dostavom podataka o radno-pravnom statusu osiguranih lica, pri čemu podnosioci zahtjeva dostavljaju dokaz o ostvarivanju zakonitih interesa (presude, prijedloge za izvršenje, zaključke sudova i sl) naglašavamo dvije situacije:

Prva situacija: Podatak o radno-pravnom statusu lica **se može** prosljeđivati kao informacija zainteresovanim stranama, ukoliko Porezna uprava FBiH ima izjavu poreznog obveznika o čijem se radno-pravnom statusu izvještava u pisanom obliku da se ti podaci ne smatraju poreskom tajnom, te se primjenjuje odredbe člana 17. stav 1. Zakona o zaštiti ličnih podataka odnosno lični podaci se daju trećoj strani ukoliko postoji javni interese, jer shodno članu 3. Zakona o zaštiti ličnih podataka, podatak o radno-pravnom statusu fizičkih lica iz Jedininstvenog sistema registracije, kontrole i naplate doprinosa smatra se **ličnim podatkom**.

Zakon o slobodi pristupa informacijama u Federaciji BiH je propisao pravo pristupa informacijama koje su pod kontrolom javnog organa u članu 4., ali isto tako je propisao i izuzetke u čl. 5 – 8. Zakona, a koji se odnose i na Poreznu upravu FBiH.

Druga situacija: Podatak o radno-pravnom statusu lica **se ne može** prosljeđivati kao informacija zainteresovanim stranama jer **ima status porezne tajne**, i može se prosljeđivati samo licima iz člana 3. stav (1) tačka 4. Zakona o Poreznoj upravi FBiH. U ovom slučaju primjenjuje se Zakon o Poreznoj upravi FBiH koji je lex specijalis za poreznu tajnu, a ne Zakon o zaštiti ličnih podataka ili Zakon o slobodi pristupa informacijama u Federaciji BiH.

S poštovanjem,

MINISTRICA

Jelka Milićević

